



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

29.11.2024

851-tm-son

### **Talabaga hayfsan e'lon qilish to'g'risida**

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksiga rioya qilmaslik holatlari kuzatilmoqda. Jumladan, dekanat tomonidan dars mashg'uloti vaqtida ruxsatsiz telefondan foydalanmaslik yuzasidan ogohlantirish berilib, bu bo'yicha universitet rektorining Talabaga hayfsan e'lon qilish to'g'risidagi bir nechta buyruqlari o'qib eshittirilganligiga qaramasdan 2024-yilning 12-noyabr kuni Xususiy huquq fakulteti 1-kurs talabasi G'affarova Marjona Ilxom qizi, Sherniyazova Aynur Maxmudovna, 2024-yilning 19-noyabr kuni G'ulomov Islom Xamrokul o'g'li, Rustamov Suxrob Akromjon o'g'li, Ibatov Shohjahon Abdullayevich, 2024-yilning 20-noyabr kuni 1-kurs talabasi Raxmatullayev Yusuf Xusan o'g'li va 2-kurs talabasi Bozorboyev Nuraddin Mansurovich ma'ruza va seminar dars mashg'uloti vaqtlarida ijtimoiy tarmoqlardan foydalanib, darsga taalluqli bo'lmagan sahifalarni tomosha qilib o'tirganligi hamda dars mashg'ulotlarini sifatli o'tilishiga salbiy ta'sir ko'rsatganligi dekanat tomonidan situatsion markaz orqali aniqlanib, video yozuvlar asosida isbotlab berilgan.

Talabalar mazkur harakatlari bilan Toshkent davlat yuridik universiteti Odob-axloq kodeksi 21-moddasi (dars mashg'ulotlari vaqtida uyali aloqa vositalaridan foydalanish barcha uchun qat'iyon taqiqlanadi. Uyali aloqa vositalaridan foydalanishga zarur va uzrli holatlarda pedagog xodimning ruxsati bilangina ruxsat etilishi mumkin) talabalarini buzgan.

Holat yuzasidan tushuntirish xatlari olingan.

Yuqoridagilarni inobatga olgan holda, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik

universiteti Odob-axloq kodeksining 30-moddasi hamda universitetning Ichki tartib qoidalari 83-band kichik “a”-bandi 2-xatboshisiga asosan

**BUYURAMAN:**

1. Universitet Odob-axloq kodeksining 21-moddasi talablarini buzganligi uchun Xususiy huquq fakultetining quyidagi talabalariga hayfsan e’lon qilinsin:

G‘affarova Marjona Ilxom qizi - 1-kurs;

Sherniyazova Aynur Maxmudovna - 1-kurs;

Raxmatullayev Yusuf Xusan o‘g‘li - 1-kurs;

G‘ulomov Islom Xamrokul o‘g‘li - 1-kurs;

Rustamov Suxrob Akromjon o‘g‘li - 1-kurs;

Ibatov Shohjahon Abdullayevich - 1-kurs;

Bozorboyev Nuraddin Mansurovich - 2-kurs;

2. Fakulteti dekani (B.Musayev):

ushbu buyruq bilan barcha talabalarni tanishtirsin;

mazkur holat va shu kabi qoidabuzarlik ushbu talabalar tomonidan takroran sodir etilsa, ularni talabalar safidan chetlashtirish mumkinligi to‘g‘risida ogohlantirsin;

mazkur talabaning shaxsiy hujjatlar yig‘majildiga buyruq nusxasi tikilishini ta’minlasin.

3. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonovga yuklansin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

B.MUSAYEV

**Kelishildi:**

Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

